





Atetshénhsara:

Oniatarí:io né:ne akwé:kon
Kononkwehón:we,
ratiksa'okón:'a nok
2SLGBTQQIA+
niionkwe'tò:tens
rotiia'tanohstá:ton táhnon
skén:nen ronnonhtónnions,
ió:to'kte ne
kakarewahtà:tshera táhnon
aiontatonkwe'takè:ron.





Tsi niiothahaierá:ton ne aiakoia'tanonhstá:tonke táhnnon skén:nen aionnonhtónnionwe

Tsi tkarahkwíneken's taiakwatáhsawen tsi wa'ethinaktakwatákwahse tsi nón:we ahotiia'tanonhstá:tonke ne Kononkwehón:we, ratiksa'okón:'a nok 2SLGBTQQIA+ niionkwe'tò:ten tsi wa'akwaién:tere'ne tenwatté:ni tsi ní:ioht tsi ioio'ténion. Oniatarí:io enhshakotiia'takéhnha Kononkwehón:we akontinenhrí:ne nahò:ten teiotonhwentsiódhon ne kí' sénha aiotiia'tanonhstá:ton nok aonsaiotíe'wentá:'on. Iorihowá:nen kaio'ténhsera, kwah né:ne aieién:tere'ne tsi iah sha'tehonátte té:ken nia'tekentióhkwake ne ón:kwe, né:'e enhotíia'tanónhstate tóhsa ahshakotikaré:wahte ne Kononkwehón:we, ratiksa'okón:'a, táhnnon 2SLGBTQQIA+ niionkwe'tò:tens.

Tsi niiothahaierá:ton ne ata'karitétschera nok atonhnhiiótshera

Entiè:ke nonká:ti wa'akwátkwí'te táhnnon saiakwakétsko tsi nihontiérha ne Onkwehón:we né:ne ata'karitétschera aorihwá:ke táhnnon tsi ní:ioht tsi rononnhétie ahse'kén wa'ákwatste ne Onkwehón:we raoná:wen tsi ní:ioht tsi ratika'én:ions ne tsi niieia'tò:ten né:ne enwahténtia'te ok naiá:wen nok taontté:ni. Oniatarí:io tsi nihontiérha nok raotio'ténhsera tenkarihó'kwahte kanakeráhsa ahatinenhrí:ne á:se iensewá:ton nok ensewatkétskwen ne ata'karitétschera tsi tho karátie tsi shakotirihwakweniéhstha ne Kononkwehón:we nok 2SLGBTQQIA+ tsi nonká:ti ne ata'karitétschera tsi ioio'ténion. Kí:ken karátie ne ahshakotiia'takéhnha ne sénha watié:sen ahotiien:ta'ne, tahatirihó'kwahte ahotiia'tanonhstá:ton, táhnnon enwatkówanahte tsi ní:kon wátston ne Onkwehón:wehénéha tsi nihotirihò:ten tsi tehshakotiitsièn:tha nok o'nikón:ra aorihwá:ke shakotiia'takéhnhas ohwentsiakwé:kon ne Oniatarí:io.

Tsi niiothahaierá:ton ne taontakaié:ri'ne

Tsi ia'tewatshóthos nonká:ti, teiakwaié:na's aonsaiakwarihwaié:na onkwaianerénhsera nok aetewahéntia'te tsi tenwatté:ni ne tsi ní:ioht tsi ioio'ténion ne orihwí:io akénhake tsi akwé:kon onkwarihwá:ke tentkaié:ri'ne tsi tekaia'torehtáhkwen. Oniatarí:io kwah tsiok nón:we tenwatteniún:ko tsi ronwatirihwahronkha'tén:ni ne Onkwehón:we tsi ní:ioht tsi ia'tehatiká:nere táhnnon tenwatté:ni tsi ní:ioht kakwatákwén tsi nón:we iorihowá:nen kwah né:ne tetkaié:ri's kaia'torehtá:tshera, karíhton/shakotiie:nas táhnnon eksá:'a ronwati'nikonhrarátie's kentióhkwa.

Tsi niiothahaierá:ton tsi nihotirihò:ten

Othorè:ke nonká:ti, nitionkwaio'tén:'on ne aontaiakwatkón:tahkwe ne aonsaiakwaié:na, ne akarihwahní:rate tsi kaienteré:'on ne onkwaienterè:tshera. Aierihwakwénienhste tsi nihotianerenhserò:ten tsi nihotirihò:ten né:'e kén:ton á:se iensewá:ton aiethirénhsaron ne Kononkwehón:we – né:'e kén:ton aetewanó:ronhste nok taiethiia:taton ne konón:kwe, ratiksa'okón:'a nok 2SLGBTQQIA+ tsi niionkwe'tò:tens tsi rotiiatátokénhti táhnnon rononkwe'tanó:ron's. Kaio'tenhsera'shón:'a né:ne enwaterénia'te tsi aonsahatiie'wén:ta'ne tsi iethihretsia:rons ne aonsahotikétskwen, aonsahatiie:na táhnnon aonsahonónnhete ne Onkwehón:we tsi nihonen'nahsò:tens, tsi nihotirihò:tens táhnnon raotienterè:tshera né:'e iorihowá:nen.

